

Váábu já Pase Lucia

Lâi juovlâmáánu 13. peivi já sevņis iideed. Váábu lâi koccám jo tooláá já moonâi cuvñâđ eeni. Sun halijđij tállân vyelgiđ tiipšon. Onne lâi nomâlávť eromâš peivi. Peivitiipšopárnááh lijji jo maangâ oho hářjuttállâm mottoom laavláčaaítálm já onne lâi äigi čaittáliđ tom iársáid.

Ko Váábu poodij tiipšon te sun tállân kojįđij, uázžu-uv jo kárvuđáttâđ. Tipšosiásá eedâi kuittâg, ete ferttee vyerdiđ tassaaš ko puoh párnááh láá puáttám tiipšon. Váábu ij ličij maaššâm vyerdiđ. Sun kuittâg moonâi luuhâđ mottoom kirje vâi äigi koláččij jotelubboht. Eidu ko sun lâi kiergânâm luhâmist te tipšosiásá poodij ettâđ, ete lii äigi kárvuđáttâđ. Váábu njuškij pajas, tuálvui kirje ilddei já moonâi eres párnáigijn sierâdemviistán.

Sierâdemvisteest uási kaandâin ožžu ruopsis pihtsijd já tonttukappeer, loppâuási vielgis pihtsijd já vielgis kaappeer. Nieidah kárvuđáttii vielgis mááccuh já ruopsis puáhháá. Puohah ožžu meiddei kinttâl kietân. Váábu-uv uázui pajalân vielgis mááccuh já ruopsis puáhháá. Ton lasseen sun uázui uáiván kinttâlruuvñâ. Sun lâi čaitálduv uáivipersovñ ađai Pase Lucia, kote uázui väzziđ iársij ovdiipeln šiärráamin čuovâ.

Tipšosajan lijji puáttám kyesih škoovlâst já sij čokkâjii orroomvisteest vyerdimin čaitálduv. Tipšosiásá kočoi párnáid parâráiđun. Váábu lâi ohtuu rááiđu oovđâst kinttâlruvñâ uáivist já kinttâl kiedâst. Suu maajeeld lijji parâráiđust vistig nieidah vielgis pihtsijgin já majemuččân kaandah. Tipšosiásá lehâstij orroomviste uuvśâ já časkâđij čuovâid. Juávkku väziškuođij kinttâleh kiedâst já lávluškuođij Váábu njunosist:

“Kukken Sisiliast tove lâi nieidâ
ton nieidâ nommâ lâi Santa Lucia...”

maainâs: Heli Aikio

Tiettih-uv:

- Pase Lucia-ärbivyehi lii vuálgus Sisiliast, Italiast
- Italiakielâst luce meerhâš čuovâ já Lucia peivi lii-uv čuovâjuhle ađai Lucia puáhtá čuovâ sevņđâđâsân
- Suomâst Lucia peeivi viettih ärbivuáválávť suomâruotáliih. Sij väljegeh jyehi čuovčâ Lucia-nieidâ, kii jotâ ovdâmerkân škoovlâin, puárrásijviäsuin já pyecceiviäsuin tiervâtmin ulmuid
- Pase Lucia-laavlá lii algâalgâst napolilâš käärbislaavlâ, mii muštâl napolilâš haammânist, mon nommâ lii Pase Lucia
- Pase Lucia lii čalmettem ulmui suojâleijee